

五礼通考

第十二册

五禮通考卷第二百二十四

內廷儀禮部侍郎金廣泰纂輯

翰林院編修嘉定錢大昕

參校

李太僕總纂纂輯同城方觀承同訂

賓禮五

會同

蕙田案大宗伯以賓禮親邦國自朝宗覲遇而外卽及會同會同之禮於古無見然禹貢有四海會同之文左傳稱禹會諸侯于塗山其禮殆昉于此乎周官所載會同之文不一而足天官大宰春官肆師司凡筵諸職則名之爲大朝覲蓋朝覲之禮行於國中所接見者不過一方一服之諸侯會同則六服偕來爲壇墮宮于國外五等諸侯同時旅見又有

祀方明及盟約之法皆朝覲所無故云大也
若在境外則六軍之士從行馬牛輦輦糧食
畢具大率如軍旅之役故周官每以會同與
軍旅師田並舉誠重之也若諸侯遣使來聘
天子使卿大夫與之行會同之禮則曰小會
同故大司馬大祝大史小史諸職又稱大會
同以別之春秋之世天子不行會同而霸國
大侯假此禮以行之非周禮之舊矣今據周
禮諸書以補儀禮之闕云

書禹貢四海會同

傳四海之內
會同京師

周禮春官大宗伯時見曰會殷見曰同

注時見者言無常期諸
侯有不順服者王將有

征討之事則既朝覲王爲壇于國外合諸侯而命事焉春秋傳曰有事而會不
而盟是也殷猶眾也十二歲王如不巡守則六服盡朝朝禮既畢王亦爲壇合
侯以命政焉所命之政如王巡守殷見四時分來歲終則徧疏時見諸侯有不
順王命者不來其順服者皆來朝覲天子一則顯其順服二則欲助天子征討故

來也云既朝觀者若不當朝之歲則不須行朝觀于國中直壇朝而已其當朝之歲者則于國中春夏行朝宗於王朝受享于廟秋冬則一受之于廟也大行人云十二歲王乃巡守殷國若王無故則巡守王制及尚書所云者是也若王有故則此殷見曰同及大行人云殷國是也云殷同者六服眾皆同來言殷國者眾來見于王國其事一也云四方四時來朝終歲則徧者若四時服數來朝則當朝之歲大行人所云候服年年朝甸服二年朝男服三年朝采服四年朝衛服五年朝要服六年朝各隨其年而朝若殷見春則東方六服盡來夏則南方六服盡來秋則西方六服盡來冬則北方六服盡來故云四方四時分來終歲則徧也

王氏詳說時會則事出非常故無常時殷同則有常時亦如常朝之歲但會同之禮因朝觀之時行之故又曰太朝觀

鄭氏鐸曰易有殷薦禮有殷奠則殷為盛多之義殷見者合眾多之國而來見其來必同故謂之同也

秋官大行人時會以發四方之禁殷同以施天下之政

注時會即時見也無常期諸侯有不順服者王將有征討之事則既朝王命為壇于國外合諸侯而發禁命事焉禁謂九伐之法殷同即殷見也王十二歲一巡守若不巡守則殷同殷同者六服盡朝既朝王亦命為壇于國外合諸侯而命其政政謂邦國之九法殷同四方四時分來歲終則徧矣九伐九法皆在司馬職司馬法曰時以禮會諸侯施同政殷以禮宗諸侯發同禁疏下文云十有二歲王巡守殷國殷國與巡守連文明同是十二歲若王巡守何須殷同明不巡守乃殷同也

十有二歲王巡守殷國

注王巡守諸侯會者各以其時之方書曰遂觀東后是也其殷國則四方四時分來如平時

夏官職方氏王將巡守則戒于四方曰各修平乃守攷

乃職事無敢不敬戒國有大刑及王之所行先道帥其屬而巡戒令王殷國亦如之

注殷猶眾也十二歲王若不巡守則六服盡朝謂之殷國其戒四方諸侯與巡

守同

疏王殷國所在無常或在畿內國城外卽爲之或向畿外諸侯之國爲之故有戒令之事

蕙田案大宗伯之殷見職方氏之殷國其禮一也大行人云十有二歲王巡守殷國掌客亦有王巡守殷國之文蓋十二歲王不巡守則當殷國殷國之期與巡守同非巡守卽是殷國也職方氏王將巡守則戒于四方王殷國亦如之可見本非一事先儒或合爲一者非

秋官小行人朝覲宗遇會同君之禮也

疏朝覲宗遇會同卽諸侯之賓故云君之禮

右會同名義

春官大祝大會同造于廟宜于社過大山川則用事焉

反行舍奠

注用事亦用祭事告行也玉人職有宗祝以黃金勺前馬之禮是謂過大山川與疏王與諸侯會同或在畿內或在畿外亦告廟而行云造者以其非時而祭造次之事也曲禮云出必告反必面據生時人子出入之法今王出行時造于廟將遷廟主行反行還祭七廟非時而祭曰奠

李氏嘉會曰大師先社後廟會同先廟後社大師屬陰會同屬陽故也

右會同告祭

地官牛人凡會同其其兵車之牛與其牽徬以載公任

器

注牽徬在轅外輓牛也人御之居其前曰牽居其旁曰徬任猶用也

縣師若將有會同之戒則受法于司馬以作其眾庶及馬牛車輦會其車人之卒伍使皆備旗鼓兵器以帥而至

稍人若有會同行役之事則以縣師之法作其同徒輦

輦帥而以至治其政令以聽于司馬

注有軍旅會同田役之戒縣師受法于司馬邦國都

鄙稍甸郊里惟司馬所調以其法作其眾庶及馬牛車輦會其車人之卒伍使皆備旗鼓兵器以帥而至是以書令之耳其所調若在家邑小都大都則稍人用縣師所受司馬之法作之

帥之以致于司馬也

王氏詳說曰縣師之掌通于王畿之間稍人之掌止于三等之采地縣師受法于司馬稍人又從而受司馬之法於縣師以見小大之相維也

廩人凡邦有會同則治其糧與其食

注行道曰糧謂糗也止居曰食謂米也疏此會同

師役皆有軍人給糧食

故須治之使均給之也

鄭氏鏐曰遠者治其糧莊子言適百里者宿春糧適千里者三月聚糧蓋言遠也近者治其食詩云朝食于株左氏云食時而至蓋言近也

夏官司右凡會同合其車之卒伍而比其乘屬其右

注合比屬

謂次第相安習也車亦有卒伍

蕙田案周制以會同爲邦之大事與軍旅田

役並稱不惟須眾庶以爲用而馬牛車輦旗

鼓兵器皆不得以不備其在邦國都鄙稍甸

郊里則縣師以司馬之法作其眾庶及馬牛

車輦其在此三等采地則稍人以縣師之法作

其同徒輦輦皆帥而至以聽令于司馬在途

則廩人儲糧食以均給之此惟會同在境外

乃有之

夏官大司馬大會同則帥士庶子而掌其政令

注帥師以從王

黃氏曰宿衛則宮伯掌其政令扈從則司馬掌其政令前漢郎官宿衛屬光祿勳後漢又屬馬

蕙田案此士庶子乃宿衛之官宮伯職云掌王宮之士庶子凡在版者若邦有大事作宮眾則令之蓋平時掌于宮伯有事總于司馬與縣師所起之眾庶不同

司士凡會同作士從

注作士從謂可使從于王者

諸子會同賓客作羣子從

注從于王

疏作使也使國子從王也

校人朝覲會同毛馬而頒之

注毛馬齊其色也頒授當乘之

司弓矢凡師役會同頒弓弩各以其物從授兵至之儀

注物弓弩矢箠之屬

右會同先事戒具

地官遺人凡會同掌其道路之委積

司市凡會同師役市司帥賈師而從治其市政掌其賣

債之事

注市司司市也債買也會同師役必有市者大眾所在來物以備之疏賈師知物價故使從

王氏昭禹曰如此則師眾所聚無賤債賈買以傷民財之患矣

賈師凡國之賣債各帥其屬而嗣掌其月凡師役會同

亦如之

注債買也鄭司農云謂官有所斥令賣賈師帥其屬而更相代直月爲官賣之均勞逸

右會同在路委積及市政

秋官掌客王巡守殷國則國君膳以牲犢令百官百姓

皆具從者三公眡上公之禮卿眡侯伯之禮大夫眡子

男之禮士眡諸侯之卿禮庶子壹眡其大夫之禮

注國君者王所

過之國君也饋繭栗之饋也以膳天子貴誠也牲孕天子不食也祭帝不用也凡賓客則皆角尺令者掌客令主國也百姓皆具言無有不具備

觀承案殷見與殷國是一事殷國與巡守是

二事十二年王當巡守如有故不巡守則行

殷國之禮是殷國乃巡守之變蓋巡守王出巡侯國殷國則諸侯來會京師也今掌客所云似殷國亦王自行者按職方氏疏殷國所在無常或向畿外侯國爲之是不必專在京師則王亦有所過之國可知矣

禮記禮器天子適諸侯諸侯膳以犢

郊特牲天子適諸侯諸侯膳用犢貴誠之義也

右會同所過供膳

周禮春官典路凡會同以路從

注王乘一路典路以其餘路從行亦以華國疏衣裳之會王乘金路兵

車之會王乘革路王雖乘一路典路以其餘路皆從惟王路祭祀之車尊不出其餘皆出以華國也

車僕凡師其革車各以其萃會同亦如之

注巡守及兵車之會則王乘戎路乘車之

會王雖乘金路猶其以從不失備也

司常凡祭祀各建其旗會同賓客亦如之置旌門

注賓客朝覲宗

遇王乘金路巡守兵車之會王乘戎路皆建其大常掌舍職曰爲帷宮設旌門

王氏曰會同賓客各建其旗者眾之所曾使各視旗而知所從焉

夏官司兵軍事建車之五兵會同亦如之

注車之五兵戈及戟

五兵則無夷矛而有弓矢

司戈盾軍旅會同授貳車戈盾建乘車之戈盾授旅賁

及虎士戈盾

注乘車王所乘車也軍旅則革路會同則金路疏軍旅會同皆貳車貳皆有車右故授之以戈盾王所乘車有車右故建戈

盾授旅賁氏及虎士戈盾者衛王故也

戎右會同充革車

注會同王雖乘金路猶以革路從行也充之者謂居左也曲禮曰乘君之乘車不敢曠左疏尊者左載王既

不乘故戎右居左贊王處曲禮注云君在惡空其位也

王氏與之曰會同雖以乘車會而革路亦爲從車故充革路之右者戎右也鄭以充之者爲居左殆失之

齊右掌會同賓客前齊車王乘則持馬行則陪乘

注齊車金路王

自整齊之車也前之者已駕王未乘之時陪乘參乘謂車右也

右會同車旗

天官掌舍掌王之會同之舍設櫨桓再重

注設書曰為桓鄭司農云櫨桓也桓受

居溜水凍橐者也杜子春讀為櫨桓櫨桓謂行馬元謂行馬再重者以周衛有外內列

設車宮轅門

注謂王行止阻險之處備非常次車以為藩則仰車以其轅表門疏謂仰兩乘車轅相向以表門

為壇墠宮棘門

注謂王行止宿平地築壇又委墠土起墠墠以為宮鄭司農云棘門以戟為門杜子春云棘門或為材門

為帷宮設旌門

注謂王行盡止有所展肄若食息張帷為宮則樹旌以表門

無宮則其人門

注謂王行有所逢遇若住遊觀陳列周衛則立長大之人以表門

幕人凡朝覲會同其其帷幕幄帟綬

注其之者掌次當以張

掌次諸侯朝覲會同則張大次小次

注大次亦初往所止居小次即宮待事之處疏若

四時常朝在國內今言朝覲會同為會同而來故在國外

夏官司戈盾及舍設藩盾行則斂之

注藩盾盾可以藩衛者如今之扶蘇與

鄭氏鶚曰王之所舍設櫨桓再重以為藩又於櫨桓之外設藩盾欲以為衛故行則斂而藏之

右會同次舍

秋官司儀將合諸侯則令為壇三成宮旁一門

注合諸侯謂有事而會也

爲壇于國外以命事宮謂壇土以爲牆處所謂爲壇壇宮也天子春帥諸侯拜日于東郊則爲壇于國東夏禮日于南郊則爲壇于國南秋禮山川邱陵于西郊則爲壇于國西冬禮月四瀆于北郊則爲壇于國北既拜禮而還加方明于壇上而祀焉所以教尊尊也王巡守殷國而同則其爲宮亦如此與鄭司農云三成三重也爾雅曰邱一成爲敦邱再成爲陶邱三成爲昆侖邱謂三重疏三成者三重重高一尺

蕙田案觀禮諸侯觀于天子爲宮方三百步

四門壇十有二尋深四尺與此文互相見

陳氏禮書朝覲宗遇之禮行於廟朝會同之禮行於國外國外壝土爲宮方三百步旁各一門中爲壇而三成壇十有二尋深四尺旁一門則棘門矣壇三成則三重矣十有二尋則方九十六尺矣深四尺則一等一尺矣春宮於東夏宮於南秋宮於西冬宮於北加方明於壇上天子既拜日禮月與山川邱陵則祀方明既祀方明則見諸侯諸侯上介奉其君之旂置于宮尙左

左氏曰會右表

鄭氏謂諸公中階之前北面東上諸

侯東階之東西面北上諸伯西階之西東面北上諸
子門東北面東上諸男門西北面東上公侯先伯伯
先子子先男而位皆上東然覲禮不言壇堦而鄭氏
曰前三堦者以其宮四門而位尙左與明堂位相類
故也不言侯氏奠玉降拜升拜而鄭氏曰公奠玉于
上等降拜于中等侯伯奠玉於中等降拜于下等子
男奠玉於下等降拜於地升成拜皆于奠玉之處者
以其致命王受之玉降拜升拜與覲于廟相類故也
掌次王合諸侯張大次小次設重帟重案鄭氏謂大
次初往所止居小次卽宮待事之處賈公彥謂大次
去壝遠小次去壇近其說是也壇域君子所設以行
禮者也故去祧有壇凡祭天及日月方望之類皆有
壇齊侯爲柯之盟有壇公羊曰莊公升壇是也諸侯

通隣國有壇左氏曰

襄二十六年

先君適四國未嘗不爲壇

是也大夫士去國爲壇位鄉國而哭魯公孫歸父聘還及笙壇帷復命于介是也況王者之會諸侯乎司儀言將合諸侯令爲壇則凡巡狩于方岳之下皆有壇壝宮矣

右會同壇壝宮

天官太宰大朝覲會同贊玉幣玉獻玉几玉爵

注助王受此四者大會同

或於春朝或以秋覲舉春秋則冬夏可知玉幣諸侯享幣也其合亦如小行人所合六幣云玉獻獻國珍異亦執玉以致之玉几王所依也立而設几優尊者玉爵王禮諸侯之爵爵王朝諸侯立依前南面其禮之于阼階上通諸侯四時常朝不稱大今朝覲稱大者諸侯爲大會同而來故稱大朝覲

小宰以法掌會同之戒具

注法謂其禮法也

地官師氏凡賓客會同王舉則從

注舉猶行也

保氏凡賓客會同王舉則從

春官大宗伯朝覲會同則爲上相

注相詔王禮也出接賓曰摯入詔禮曰相

肆師大朝覲佐賓

注爲承賓

疏謂

雞人大祭祀夜嘑旦以詔百官會同亦如之

司几筵大朝覲王位設黼依依前南鄉設莞筵紛純加

纁席畫純加次席黼純左右玉几

疏此朝覲言大因會同而行朝覲之禮

大史大會同朝覲以書協禮事

注先習錄之也

及將幣之日執書

以詔王

注將送也詔王告王以禮事

疏王與諸侯行禮之時大史執禮書以告王使不錯誤

小史大會同佐大史

夏官虎賁氏掌先後王而趨以卒伍軍旅會同亦如之

注虎賁士居前後雖羣行亦有局分

旅賁氏凡會同賓客則服而趨

注服而趨夾王車趨也會同賓客王亦齊服服袞冕則此士之齊服

服元端

秋官大司寇凡朝覲會同前王

疏司寇在王前爲導也

司儀詔王儀南鄉見諸侯士揖庶姓時揖異姓天揖同

姓注謂王既祀方明諸侯上介皆奉其君之旂置于宮乃詔王升壇諸侯皆就其旂而立諸公中階之前北面東上諸侯東階之東西面北上諸伯西階之西東面北上諸子門東北面東上諸男門西北面東上王揖之者定其位也庶姓無親者也士揖推手小下之也異姓婚姻也時揖平推手也天揖推手小舉之也疏詔告也謂諸侯各就位立王在壇亦立司儀乃告王降壇南向見諸侯乃揖之先疎後親爲次按周之宗盟異姓爲後今此先庶姓後同姓者直據揖之儀容從下至高不據盟之先後也

及其擯之各以其禮公於上等侯伯於中等子男於下

等注謂執玉而前見于王也擯之各以其禮者謂擯公者五人侯伯四人子男三人上等等中等下等謂所奠玉處也壇三成深四尺則一每一尺也壇有十二尋

方九十六尺則堂上二丈四尺每等丈二尺與諸侯各于其等奠玉降拜升成拜明臣禮也既乃升堂授玉注堂上二丈四尺王立之處并祀方明之所公奠玉于上等降拜于中等侯伯奠玉于中等降拜于下等子男奠玉于下等降拜于地乃升成拜皆于奠玉之處知有降拜升成拜者約燕禮臣得君酬酒皆降拜君使小臣辭之乃升成拜明此王禮亦然也王既受玉約聘禮亦當側授宰玉

其將幣亦如之其禮亦如之

注將幣享也禮謂以鬱鬯祿之也皆于其等之上

詩小雅車攻駕彼四牡四牡奕奕赤芾金舄會同有繹

傳言諸侯來會也諸侯赤芾金舄焉達履也時見曰會殷見曰同繹陳也

論語宗廟之事如會同端章甫願爲小相焉

注鄭曰諸侯時見曰會眾曰